

**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 7. Vtrum Deus titulo suæ æternitatis, aut alio simultaneam, intimamque coexistentiam haberet cum creaturis; tametsi illæ ita extra omne tempus existerent, vt in nullo spatio temporali durantes ...

[urn:nbn:de:hbz:466:1-76990](https://nbn-resolving.de/urn/resolver.pl?urn=urn:nbn:de:hbz:466:1-76990)

ralia iuxta dieta suppositione secunda. Sed neque potest id esse debitum, alicui creature ratione sui prout duranti in aliquo tempore. Ergo nullatenus potest id esse debitum alicui creature ratione sui. Consequentia est bona: quia aliter, quam ratione essentia praecise, vel existentia praecise, vel existentia prout duranti in aliquo tempore deberi quidam creature ratione sui, excogitabile non est, ut patet. Due autem priores partes antecedentis ex duabus suppositionibus factis constant. Probo ergo tertiam posteriorem; nempe, non posse esse naturaliter debitum alieni creature prout duranti in aliquo tempore, durare ab aeterno. Nam vel tempus, in quo durat creatura, nullum habuit principium: & sic, quam evidens est, durare ab aeterno, non posse esse naturaliter debitum creature prout duranti in tali tempore: cum durare in tempore nullum habente principium, & durare ab aeterno, manifeste sit prorsus idem. Vel tempus, in quo durat creatura, incipit ab aliquo instanti: & sic non minus manifestum est, creature prout in instanti, aut in quibuslibet sequentibus duranti non posse esse naturaliter debitum, durasse ab aeterno: quia illi prout sic est id impossibile: (quandoquidem ad prateritum non datur potentia iuxta vulgatum, certumque effatum, de quo nos in Pharo Scient. disput. 8. quest. 4. proposit. 7.): repugnatque planè, esse alicui subiectio debitum, quod ipsi impossibile est. Ex quibus omnibus concluditur, nulli creature ratione sui posse esse debitum naturaliter, durare ab aeterno. Atque ita impossibile esse creaturam, cui sic ratione sui debitum naturaliter, ab aeterno durare, ut nostra propositio fert.

¹⁷⁶ Quam quidem varijs alijs argumentis co[n]nuntur probare Recupitus, & alijs vbi supra; sed quæ minis efficacia mihi videntur; ob idque illa prætermitto. Sicut &, quæ contraponunt opponi, vt pote quæ ex doctrinâ traditâ facile à quouis diluentur.

¹⁷⁷ Verum enim verò, licet creature prout duranti in quouis tempore nequeat esse naturaliter debitum, durare ab aeterno: quia ei prout duranti in tempore carente principio est id simpliciter necessarium, & ei prout duranti in tempore habente principium est id simpliciter impossibile; prout constat ex dictis: repugnatque manifeste, esse alicui mere naturaliter debitum id, quod eidem aut simpliciter necessarium, aut simpliciter impossibile est. At creature prout duranti in quouis tempore bene potest esse naturaliter debitum, durare in aeternum; (vti de facto Angelis, & alijs creaturis naturaliter incorruptibilibus debitum est): eo quod creature prout duranti in quouis tempore durare in aeternum, neque est simpliciter necessarium: quia potest Deus in quouis alio futuro tempore illam destruere: neque est simpliciter impossibile; quia potest Deus durationem eius in infinitum prorogare.

Propositio 2.

¹⁷⁸ Possibilis est creatura, cuius duratio à parte ante aeterna connaturaliter possit debita esse ex suppositione alterius creature potentis existere ab aeterno.

Est certum. Quia, si Deus produxisset ab

aeterno ignem, ex suppositione durationis eius aeterna à parte ante connaturaliter esset debita duratio aeterna à parte ante coloris comitantis semper substantiam ignis naturali necessitate. Similiter, si Deus produxisset ab aeterno aquam, ex eius suppositione frigus aquæ connaturaliter connaturaliter deberet produci etiam ab aeterno. Pariterque in similibus. Etenim eo ipso, quod ignis esset existens in omnibus instantibus tam collectiue, quam distributiue sumptis totius præteritæ aeternitatis, atque adeo in tota ipsa aeternitate, proindeque ab aeterno; naturaliter esset debitum, quod calor ipsi connaturalis existenter quoque in omnibus instantibus tam collectiue, quam distributiue sumptis totius præteritæ aeternitatis, atque adeo in tota ipsa aeternitate, proindeque ab aeterno. Et idem est de frigore respectu aquæ, de cæterisque huiusmodi, ut est notis sumum.

Ex quibus omnibus concluditur, non folium esse proprium Dei, & nulli creature communicabile, habere aeternitatem à se, & per essentiam, ut & alia attributa habet, non vero per participationem: sed etiam habere aeternitatem, sibi tum essentialiter, tum etiam naturaliter debitum ratione sui, qualis nulla creatura potest habere. Quanquam enim possibile sit, creaturam habere aeternitatem, sive durationem virisque infinitam, carentem ve principio, & fine: nulli tamen creature ratione sui potest talis aeternitas debita esse aut essentialiter, aut naturaliter, uti Deo debita est, prout constat ex dictis.

QVÆSTIO VII.

Verum Deus titulo sue aeternitatis, aut alio simultaneam, intimamque coexistentiam haberet cum creaturis; tamen illa ita extra omne tempus existenter, ut in nullo spatio temporalis durantes essent.

Suppono cum communi ex dictis disput. 8. 180. quest. 6. omnino impossibile esse, quod creature aliqua ita extra omne tempus existant, ut in nullo spatio temporali durantes sint. Ex hypothesi tamen, quod aliquæ creature existent extra omne tempus, querimus, an Deus nihilominus simultaneam coexistentiam cum illis haberet vel titulo sue aeternitatis, vel alio titulo,

Propositio vna.

Ex hypothesi, quod creature aliquæ ita extra omne tempus existenter, ut in nullo spatio temporali durantes essent, arbitror fore, ut Deus simul haberet, & non haberet simultaneam, intimamque coexistentiam cum illis.

Haberet quidem. Quia Deus ratione sua aeternitatis, rationeque intimæ dependentia, quam creature suæ essentiæ habent ab ipso, non

non potest non in omni hypothesi simultaneè, intimè, penetratiuèque esse coexistent omni creatura existenti, ut ex dictis in præcedentibus satis superque notum est. Aliunde verò ex hypothesi, quod creature aliquæ extra omne tempus, in nulloque proinde spatio temporalis durantes existent, Deus illis simultaneè, intimè, & penetratiuè coexistent esse non posset: quia Deus à suā etiam æternitate ita habet existens esse in omni tempore, in omnique spacio temporali supposito, quod illud sit, qua ratione est, ut extra omne illud nullatenus existens sit, prout constat ex dictis in præsenti disput. tum quæst. illa 6. citata disput. 8. & est compertum, Deum extra omne tempus non existentem, sed tantum intra illud, creaturis extra omne tempus, & non intra illud existentibus neutiquam posse simultaneè, intimè, atque penetratiuè coexistentem esse. Nec mirum, quod data hypothesis, ut pote penitus impossibilis, duo secum ferat contradictionia simul vera. Cum id sit proprium omnis chymæra impossibilis, vt à nobis in Pharo Scient. disput. 11. monstratum est. Recognoscatur doctrina latius tradita in simili disput. 6. quæst. 8., & suā proportione seruatā, hoc applicetur.

QVÆSTIO VIII.

Vtrum Deus ratione sua æternitatis intimè, penetratiuèque sit coexistens tum negationibus rerum non existentium, tum earum veritatis quidem tatuis.

182 Qvæstio hæc breuissimè, facilimèque resolunda venit, suppositis dictis in præcedentibus, atque etiam dictis supra disput. 8. quæst. 7. & 8. Cùm enim ex dictis in præcedentibus constet, Deum ratione sua æternitatis in omnibus partibus temporis vtrinque infiniti, quod imaginarium appellant, esse existentes successivè, quo pasu nimur illæ re ipsa successivè fluunt, suum ve quale quale esse re ipsa habent: & consequenter non posse non esse illum, intimè, penetratiuèque coexistentem omnibus rebus in quibusvis partibus talis temporis existentibus, sive durantibus: eademque planè ratio sit de ceteris veritatibus seu positivis, seu negativis in ipsis partibus temporis quoquomodo habentibus esse. Conficitur planè, Deum omnibus omnino veritatibus existentialibus negatiuis, & quiditatiuis absolutis, nec non conditionatis tam quiditatiuis, quam existentialibus intimè, & penetratiuè ratione sua æternitatis coexistentem, sive duratiuè presentem esse, in ijs scilicet partibus prædicti temporis, in quibus illæ aliquo modo habentes esse, sive durantes, sive duratiuè praesentes sunt tuxta doctrinam stabiliter dictis quæst. 7. & 8. In quo amplius non oportet morari.

183 Vnum modò infero ex vniuersali doctrinâ data quæst. illa 8. Deum non solum prout existentem dici cum proprietate esse in omni tempore, in omni ve spacio temporali. Sed etiam quiditatiuè conceptum cum præcisione ab existentiâ

in omni tempore, in omni ve spacio temporali dici posse esse. Tametsi loquutio hæc minus propria sit iuxta dicta ibi de correspondientia cum tempore veritatum quiditatiuarum rerum non existentium, aut etiam præscindentium ab existentiâ.

QVÆSTIO IX.

Qualiter differant inter se tempus, æternitas, & aenum.

184 Non est hæc sermo de æternitate extrinsecâ Deo, hoc est de tempore, quod dicitur imaginarium, & æternitas appellatur: eo quod nec principium habuit, nec finem habitum est, atque ita vtrinque est infinitum. Nec sermo est de æternitate semelixtrinsecâ Deo claudente direcione in suo conceptu reali entitatem diuinam, de connotato verò dictam æternitatem extrinsecam, seu tempus infinitum vtrinque. Sed sermo est de æternitate intrinsecâ Deo ab ipsâ entitate diuinâ penitus indistinctâ.

Etenim compertum est, æternitatem extrinsecam Deo à tempore dicto imaginario vtrinque infinito in nihilo differre. A quoquis autem tempore finito vel ab utroque latere, vel ab alterutro, quod pars illius est, differre sicut totum integrale à parte integrante. A tempore verò reali finito, aut infinito differre, ut tempus imaginarium infinitum differt à reali finito, aut infinito. De quibus differentijs satis, superque constat ex dictis disput. 8. quæst. 2. Et tempus quidem sive imaginarium, sive reale, quod ab utroque latere finitum est, absolue dicitur tempus; quod verò aut à parte ante, aut à parte post est infinitum, æternitas à parte ante, aut à parte post nuncupatur.

Similiter compertum est, æternitatem semi-extrinsecam Deo à tempore dicto imaginario vtrinque infinito, quod in suo conceptu reali claudit de connotato, ut totum essentiale à parte essentiali, sive diuersæ essentiae differre. Quomodo autem differat à quoquis tempore finito vel ab uno latere, vel ab utroque, coque aut imaginario, aut reali, facillime ex dictis potest vnuſquisque colligere.

Iam verò æternitas intrinsecâ Dei à quoquis omnino tempore sive finito, sive infinito in eo differt, quod ea indiuisibilis penitus, atque adeo tota simul est; tempus verò quodquidem diuinibile, & successivum. Ab instanti verò indiuisibili temporis in eo differt talis æternitas, quod hæc per sui replicationem ad omnia tempora est extendibilis; illud verò proflus ad nullum; præter alias plures differentias ad rem magis materiales, quas habent. Quæ omnia ex dictis in præcedentibus factis conspicua, & nota sunt.

Sequitur dicendum de differentiâ æternitatis intrinsecâ Dei ab aeno, Pro quo est supponendum, aenum dici quamlibet durationem rei permanantis, quæ in tempore incipit existere, & in æternum est permanens, seu sine fine duratura, quales sunt Angeli, & animæ rationales, aliisque huiusmodi creature, quæ ob id æternae appellantur. Porro, qui nobiscum censem, omnem durationem creaturarum permanentium formam ipsis superadditam esse diuisibilem quoad extensio-

nem